

Կացութիւնը առանձնապէս ծանրանում էր և ընդհանուր դժոխային պայմաններով. Կարսի և Ալեքսանդրապոլի անկումից յետոյ, երկիրը բոլորովին կտրւած արտաքին աշխարհից՝ խճողւած էր բազմազաղար դադթականներով, որոնք թափւած էին գիւղերում ու քաղաքներում և ճանապարհների վրա: Էջմիածին-Երեւան, Երեւան-Դիլիջան խճուղու վրա խոնւում էին աննպատակ շարժւող դադթականներ, սայլեր և անասուններ: Երկաթուղին չէր գործում: Պարենաւորման տաղնապը օրէցօր սրւում էր. հացն ու ապրուստի այլ միջոցները դժւարութեամբ էին ձարւում: Այստեղ ու այնտեղ երեւում էին համաճարակ հիւանդութիւններ: Ժողովրդի և զօրքի հոգեկան վիճակը ընկճւած էր անսահման:

Այսպիսի դրութեան մէջ, թիւրքերի ընդհանուր յարձակումը մի պահ Երեւանում առաջ բերեց անասելի իրարանցում ու սարսափ: Դիմադրութիւնը շատերին թւում էր անհնար և անիմաստ: Յաղթութեան վստահութիւն չէին ներշնչում և մինչեւ այդ բանակից համոզող տեղեկութիւնները. զօր. Սիւլիկեանի հաղորդագրութիւնները մոայլ գոյներով էին ներկայացնում զօրամասերի դիմադրական կարողութիւնը: Բնակչութիւնը պատրաստւում էր փախստի:

Բայց ո՞ւր փախչել: Ճանապարհները դէպի Թիֆլիս ու Բաղու փակւած էին ամուր: Պարսկաստան տանող երկաթուղին չէր գործում. Շարուր-Նախիջևանը մահմետականների ձեռքին էր: Իսկ հարաւից և արեւմուտքից թիւրքն էր դալիս՝ կոտորելով հանդիպող հային: Փախուստը այս պայմաններում հաւասար էր մահան, ինչպէս և անձնատուր լինելը: Ելք չկար: Ելքը դիմադրութիւնն էր, կռիւը. քանի որ մահը անխուսափելի է, գէթ պատուով մեռնել: Մա՛հ կամ ազատութիւն — ուրիշ փրկութիւն չկայ: Եւ ահա կատարւում է հրաշքը՝ մէկը այն հրաշքներից, որոնք դալիս են բոլորովին չսպասւած և փրկում անյոյս համարւած կացութիւնները: Ժողովուրդը, նրա առաջնորդները, զօրքը, ամենքը համակուծ են մէկ գլխակցութեամբ. — յաղթել կամ մեռնել:

Եւ Արարատեան դաշտի ժողովուրդը մի մարդու պէս ոտքի է կանգնում: Գործում են ամենքը: Ազգային խորհուրդը վարում է բանակի լրացման, կազմակերպման ու մատակարարման գործը: Հրամանատարութիւնը կարգաւորում ու բարձրացնում է զօրքի մարտական ոյժը: Զօր. Սիւլիկեանը մի շարք հրամաններով ու կոչերով խրախոյս է ներշնչում զինուորներին ու հասարակութեան: Ամենքը լծւում են թիկունքային աշխատանքի: Կանայք, օրինորդներ՝ ուտելիք, ծխախոտ, վիրակապներ են պատրաստում: Հոգեւորականութիւնը խաչ ու քարոզով մտնում է ժողովրդի ու զօրքի մէջ: Գարեգին եպ. Յովսէփեանը շրջում է մի մասից միւսը և իր հրաշունչ ճառերով բարձրացնում է զօրքի տրամադրութիւնը: Կրկնւում էին Վարդանանց պատմական օրերը...

Երբ մայիս 21-ին երկաթուղու ընթացքով շարժւող թիւրքերը երեւցին Սարդարապատի մօտ, այլևս իրենց առջեւ գտան յաղթելու վճռականութեամբ տոգորւած հայ զինուորին: Մօտաւոր հաշուով, զօր. Սիւլիկեանի զօրքի